

GJALDSKRÁ

Hitaveitu Grímsnes- og Grafningshrepps.

I. KAFLI

1. gr.

Hitaveita Grímsnes- og Grafningshrepps selur afnot hitaorku úr hitaveitukerfum þeim, sem gerð hafa verið eða kunna að verða gerð í lögsagnarumdæmi hitaveitunnar og hún hefur umráðarétt yfir, eftir þeim reglum sem settar eru í gjaldskrá þessari, sbr. reglugerð staðfesta af iðnaðarráðherra nr. 252/2001, með síðari breytingum, fyrir Hitaveitu Grímsnes- og Grafningshrepps.

2. gr.

Hitaveitan lætur hverju húsi, sem er í sambandi við vatnsæðar hennar í té vatnsmagn, er ætla má að nægi til hitunar á húsinu.

Hitaveitan lætur setja rennslismæli eða stillanlegan hemil fyrir hámarksrennsli til hvers upphitunarkerfis og miðast gjald hitaveitunnar fyrir selda orku við rúmmetra samkvæmt rennslismælinum eða það hámark, sem hemillinn er stilltur á.

Hitaveitan ræður gerð rennslismæla og hemla og sér um viðhald og endurnýjun þeirra.

3. gr.

Einungis starfsmenn hitaveitunnar mega breyta stillingu innsiglaðra tengihluta. Hitaveitan breytir stillingu hemils eftir óskum húseiganda fyrir árið, sem hús hans er tengt við hitaveitukerfið, en síðan verður hemilsstillingu að jafnaði breytt einu sinni á ári og skal skrifleg beiðni um breytingu koma fram við hitaveituna fyrir 1. september ár hvert. Hámarksstilling hemils gildir allt árið þótt vatnsnotkun verði minni hluta úr ári. Minnsta sala gegnum hemil skal vera 1 mínútlítri. Selt vatnsmagn standi ávallt á heilum eða hálfum mínútlítra.

Ef kaupandi óskar að hemill eða mælir sé prófaður skal hann senda skriflega beiðni þar um til hitaveitunnar. Komi í ljós við þá athugun að frávik sé 5% eða minna, er heimilt að gera kaupanda að greiða álestrargjald. Sé frávik meira skal hitaveitan greiða kostnað við prófunina og leiðréttá reikning kaupanda í samræmi við niðurstöður hennar, þó ekki fyrir lengra tímabil en tvo mánuði nema kaupandi eða hitaveitan, eftir því sem við á, geti sannað að um lengra tímabil hafi verið að ræða, þó lengst fjögur ár.

II. KAFLI

4. gr.

Hitaveita Grímsnes- og Grafningshrepps rekur nú tvö aðskilin hitaveitusvæði og dreifikerfi með vatn sem hefur mismunandi hita. Þessi svæði eru annars vegar á og við Borgarsvæðið með vatn frá Vaðnesi, hér eftir nefnd Borgarveitan og hins vegar austari hluti Grímsness, með vatn frá Kringlu, hér eftir nefnd Kringluveitan. Gjald fyrir eininguna af heitu vatni (m^3 eða l/mín) verða því mishá eftir svæðum.

5. gr.

Borgarveitan:

A. Hemlagjald (varmagjald):

Sumarbústaðir, snjóbræðslukerfi og notkun samkvæmt sérsamningum skal greiða fyrir hemlagjald. Lámarksstilling er 2,0 l/mínútu . Hemlagjald fyrir hvern mínútlítra á mánuði er kr. 1.163,28.

B. Eldri samningar:

Þar sem vatnið er keypt skv. hemli beint úr stofnlögn er gjald fyrir hvern mínútulítra kr. 679,32 á mánuði.

C. Rúmmetragjald skv. mæli:

Almennt íbúðar- og iðnaðarhúsnæði og gróðurhús skal greiða varmagjald. Varmagjald fyrir hvern rúmmetra vatns kr. 31,70.

Mælagjald á mánuði

C1 Stærð mælis/hemils DN 15	kr.	606,73
C2 Stærð mælis/hemils DN 20	kr.	866,75
C3 Stærð mælis/hemils DN 25	kr.	1.072,04
C4 Stærð mælis/hemils DN 32	kr.	1.277,32
C5 Stærð mælis/hemils DN 40	kr.	1.483,75
C6 Stærð mælis/hemils DN 50	kr.	2.031,17

D. Stofngjöld:

Innifalið í stofngjaldi er ein heimæð á lóð allt að 25 m talið frá lóðarmörkum þar sem hitaveituaðin kemur að viðkomandi lóð og ein mælagrind.

	kr.
D1 fyrir húsrými allt að 300 m ³ og gróðurhús allt að 200 m ² ,	54.742
Fyrir hvern rúmmetra húss/fermetra gróðurhúss	136,86
D2 fyrir húsrými stærra en 300 m ³ og gróðurhús stærra en 200 m ² ,	66.147
Fyrir hvern rúmmetra húss/ferm. gróðurhúss umfram 300 m ³ /200 m ² , ..	106,06
D3 fyrir sumarhús	
Stofngjald fyrir húsveitu	240.649
D4 gjald fyrir auka mælagrind	43.908

Auk stofngjalds, sem að framan greinir, skal greiða 1.648 kr. fyrir hvern lengdarmetra heimæðar frá stofnað umfram 25 m.

E. Önnur gjöld:

Lokunargjald	kr. 2.851
Aukaálestur	kr. 2.851

6. gr.

Kringluveitan:

Gjöld fyrir afnot heita vatnsins eru sem hér segir:

Fast mánaðargjald hjá þeim notendum sem kaupa heitt vatn eftir hemli eða mæli skal vera:

E1 Stærð mælis/hemils DN 15	kr.	606,73
E2 Stærð mælis/hemils DN 20	kr.	866,75
E3 Stærð mælis/hemils DN 25	kr.	1.072,04
E4 Stærð mælis/hemils DN 32	kr.	1.277,32
E5 Stærð mælis/hemils DN 40	kr.	1.483,75
E6 Stærð mælis/hemils DN 50	kr.	2.031,17

Vatnsgjald er kr. 1.744,91 á mánuði fyrir hvern mínútulítra í hámarksstillingu hemils.

Lámarksstilling er 2,0 l/mínútu.

Rúmmetragjald skv. mæli skal vera 53,18 kr./m³.

Stofngjald.

Innifalið í stofngjaldi er ein heimæð á lóð allt að 25 m, talið frá lóðarmörkum þar sem hitaveituæðin kemur að viðkomandi lóð og ein mælagrind.

	kr.
F1 íbúðarhús allt að 300 m ³ og gróðurhús allt að 200 m ² , 240.649	
Fyrir hvern rúmmetra/fermetra þar yfir skal greiða 523,15 kr./m ³ .	
F2 vélageymslur og gripahús allt að 300 m ³ , 156.945	
Fyrir hvern rúmmetra/fermetra þar yfir skal greiða 340,05 kr./m ³ .	
F3 fyrir sumarhús	
Stofngjald fyrir húsveitu	240.649
F4 auka mælagrind	
Mælagrindargjald	40.283

Auk stofngjalds, sem að framan greinir, skal greiða 1.647,92 kr. fyrir hvern lengdar-metra heimæðar frá stofnæð umfram 25 m.

Önnur gjöld.

Lokunargjald	kr. 2.851
Aukaálestur	kr. 2.851

7. gr.

Hitaveitugjöld skv. 5. gr. og 6. gr. verða krafinn annan hvern mánuð og skulu þau greiddast til skrifstofu Hitaveitu Grímsnes- og Grafningsshrepps, í bönkum eða pósthúsum. Gjald-dagi er við framvísun reiknings eða tilkynningar um reikningsupphæð. Það eru vanskil, ef gjöldin eru ekki að fullu greidd innan 15 daga frá gjalddaga.

Sé um óskipulagt svæði að ræða, eða aðstæður óvenjulegar, er heimilt að krefjast sér-staks aukagjalds af húsráðanda eða gera honum að greiða fyrir heimtaugina samkvæmt kostnaði, en gera skal honum aðvart um það fyrirfram.

8. gr.

Gjöld skv. 5. gr. og 6. gr. eru miðuð við vísitölu byggingarkostnaðar. Er veitustjórn heimilt að breyta þeim í samræmi við þær breytingar, sem á nefndri vísitölu verða, að fenginni staðfestingu iðnaðarráðuneytisins hverju sinni.

III. KAFLI**9. gr.**

Öll gjöld skv. gjaldskrá þessari má taka fjárnámi á kostnað gjaldanda, sbr. 28. gr. reglugerðar fyrir Hitaveitu Grímsnes- og Grafningsshrepps og 79. gr. laga nr. 58/1967 með síðari breytingum.

10. gr.

Hitaveita Grímsnes- og Grafningsshrepps hefur rétt til að loka aðrennsli heita vatnsins að húsi eða íbúð notanda, sem vanrækir að greiða hitaveitugjöld. Fyrirætlun um lokun ber að tilkynna með fimm daga fyrirvara, sbr. 27. gr. reglugerðar fyrir Hitaveitu Grímsnes- og Grafningsshrepps.

Allan raunkostnað við lokun og opnun á ný greiðir sá, sem í vanskilum er.

Eftirlitsmanni hitaveitunnar skal veittur hvenær sem er frjáls aðgangur að öllum hitakerfum, sem tengd eru við hitaveituna. Er húseiganda skylt að hlíta tafarlaust fyrir mælum hans um viðgerð á bilunum og sérhverjum ráðstöfunum til varnar gegn misnotkun heita vatnsins.

Á öll gjöld samkvæmt gjaldskrá þessari leggst virðisaukaskattur samkvæmt gildandi reglum á hverjum tíma.

Gjaldskrá þessi, sem samþykkt er af sveitarstjórn Grímsnes- og Grafningshrepps, staðfestist hér með samkvæmt orkulögum nr. 58, 29. apríl 1967 með síðari breytingum, til að öðlast gildi 1. apríl 2003 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis, nr. 570, 16. júlí 2002.

Iðnaðarráðuneytinu, 24. mars 2003.

Valgerður Sverrisdóttir.

Kristján Skarphéðinsson.

AUGLÝSING

um breytingu á aðalskipulagi Skútustaðahrepps 1996 – 2015, Jarðbaðshólar.

Samkvæmt 19. gr. skipulags- og byggingarlaga nr. 73/1997 hefur ráðherra þann 19. mars 2003 staðfest breytingu á aðalskipulagi Skútustaðahrepps 1996-2015 frá 31. desember 1997.

Breytingin felst í því að verslunar- og þjónustusvæði við Jarðbaðshóla stækkar og er flutt til suðvesturs. Breytingin þýðir að um 10 ha svæði innan landgræðslugirðingar verður verslunar- og þjónustusvæði en landbúnaðarsvæði og svæði þar sem skipulagi er frestað stækkar sem nemur gildandi verslunar- og þjónustusvæði.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki sveitarstjórnar Skútustaðahrepps. Skipulagsstofnun hefur afgreitt erindið til staðfestingar.

Gerður er fyrirvari um niðurstöðu ákvörðunar Skipulagsstofnunar um matsskyldu framkvæmda við Jarðbaðshóla skv. lögum nr. 106/2000 um mat á umhverfisáhrifum.

Breytingin öðlast þegar gildi.

Umhverfisstofnun, 19. mars 2003.

Siv Friðleifsdóttir.

Magnús Jóhannesson.